

سنة لکی در سعادت ایچون مجیدیه  
یکرمی غروش حسابیه التمش  
غروشدر

طشره ایچون پوسته اجرتی اوله رق  
اون بش غروش ضم اولنور

نسخه سی ۴۰ پاره در

# مجلس مالک

آبونه اولوق ایستینلر دائره عدلیه ده  
اداره مخصوصه سنه مراجعت  
ایتملیدر

اعلاناتک بهرندن بر مجیدیه اخذ  
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

## توضیحات

وظیفه مأموریتلری حسن ایفاده مشاهد اولان  
مساعیرینه مبنی بک اوغلی بدایت محکمه سی برنجی  
جزا دائره سی ضبط کتبه سندن رفعتلو رشدی بکه ثالثه  
جدیده سنجاغی بدایت محکمه سی مدعی عمومی  
معاونی قوتلو علی رضا افندی به رابعه رتبه لری توجیه  
بیورلمشدر.

## نشان

وظیفه مأموریتلری حسن ایفاده مشاهد اولان  
مساعیرینه مبنی بک اوغلی بدایت محکمه سی اعضا سندن  
فضیلتو اسماعیل سراج الدین بک ایله قسطنیونی ولایتی  
استیناف محکمه سی اعضا سندن فضیلتو حاجی ماهر  
افندی به اوچنجی رتبه دن عثمانی نشان ذیشانلری  
احسان بیورلمشدر.

## تبلیغات

تجارت محکمه لرده رئیسک ویا اعضادن بر ویا  
ایکسینک معذرتلری وقوعنده اعضایه وکالت ایده جک  
کیسه بولندینی و محاکاتی تعطیل ایتک دخی غیر  
جائز اوله جنی جهته نقصان هیئتله رؤیت دعوی  
مجبوری حاصل اولمقده اولوب بوکا بر چاره اولوق  
اوزره یا تجارت محکمه لری باش کاتبلرینه عندی.  
الحاجه اعضایه وکالت ایده بیلیمک مأذونیتک ویرلمسی  
ویا خود اعضای موقته نک حین انتخابنده درت نفر  
انتخاب ایتدیرلرک بولردن ایکسینک اعضا وایکسینک  
اعضا ملازمی عدی وایجابنده بو ایکسیله اکیال نقصان  
ایدلمسی صورتلرندن برینک قبول واجرایی موافق  
مصلحت اوله جفندن بختله اولباده بعض افاده ی  
حاوی سیواس وارضروم ولایتلری عدلیه مفتشکلر.  
ندن وقوعبولان اشعاره ، محاکم تجارت باش کاتبلریله  
انتخابه داخل اولوب اعضالغه آلمیان دیگر ایکی منتخب

ذاته اعضا ملازمکی صفقی ویرلمسی ذیل قانون  
تجارت احکامه مخالف اولمغه بوصورت موافق  
مصلحت کوریه میوب آنجق بررئیس ایله ایکی اعضای  
دائمه وایکی اعضای موقته دن مرکب اولان محکمه  
تجارت هیئتندن بر ویا بر قاجنک معذرتلری ظهورنده  
اکال نقصان ایچون منتخب اعضای موقته نامزدیلرندن  
دیگر ایکی ذاتک حضوریه اجرایی محاکمه ایدلمسی  
بو یولده کی مشکلاتک رفع وازاله سنی تأمین ایده جکندن  
و محاکم تجارتجه اوچ ویا درت ذاتدن مرکب هیئتله  
فصل دعاوی ایدلمسنه قطعاً مساعیرینه قانونی کوریه مدیکندن  
اولو جهله ایفای معامله اولمسی لازم کله جکی ذکر اولنان  
مفتشکلکله جواباً تبلیغ اولمشدر.

برجزا دعوا سنک محکمه به ورودندن ختامه قدر  
تنظیم اولنان هر بر ضبطنامه سی ایچون مجرمدن اوزر  
غروش خرج اخذ اوله جنی خرج تعرفه سنک الی  
برنجی ماده سنده محرر بولنش ایسه ده تعرفه مذکو.  
ره نک قرق طقوزنجی ماده سنده هر جلسه محاکم  
ایچون مجرمدن اوزر غروش خرج استیفا قلنه جنی  
مصرح اولدیغندن بختله استفسار معامله به دائر قونیه  
ولایتی استیناف محکمه سی مدعی عمومیلکندن وقوع  
بولان اشعاره ، دعوانک محکمه به تودیغندن ختام  
محاکمه سنه قدر تنظیم اولنان هر ضبطنامه سی ایچون  
مجرمدن سالف الذکر الی برنجی ماده موجبجه  
اوزر غروش خرج آله جنی کی مظنونک ختام  
استنطاقنده تنظیم اوله جنی استنطاقنامه ایچون دخی  
قرق طقوزنجی ماده به توفیقاً یکرمی غروش خرج  
استیفا قلنه جنی جوابی ویرلمشدر.

فاعل مشترک اولان محکومین حقنده تنظیم اولنان  
جزا اعلاملرندن محکومینک عدینه نسبه براعلامدن  
متعدد خرج آلمقده اولدینی کی حکم غیابی بی حاوی  
اولان اعلامات جزائییه دن دخی صورت و تبلیغ  
خرجلری و تذکیه شهود ایچون یازلمقده اولان مستو.  
ره لردن دخی اجرت مباشریه دن ماعدا اوزر غروش  
تبلیغ خرجی آلمقده اولوب حالبوکه خرج تعرفه.

سند مارالبیان خرجلرک آلمسنه دائر برکونه صراحت  
کوریه مدیکندن بختله استفسار معامله بی متضمن کشان  
قضای بدایت محکمه سی ریاستندن وارد اولان  
تحریراته ، محکوم علیه لره آرو آرو تبلیغ اوله جنی  
صورتلرک بهرندن قرق غروش صورت و تبلیغ  
خرجی اخذی و محاکمندن تذکیه شهود حقنده یازیلان  
مستوره لر ایچون ده محاکم شرعیه جه جاری اولان  
اصوله قیاساً یکرمی بش غروش خرج استیفا سی  
لازمکله جکی جوابی ویرلمشدر.

## محاکمات مقتررات

دیار بکرک علی پاشا محله سی ساکنلرندن محمد  
بن حسنک کیفیت قتلندن طولانی جنایتله اتهام  
اولنان نظامیه تمش اوچنجی آلیک اوچنجی طابورینک  
برنجی بلوکی افرادندن محله مذکورلی طیب بن احمدک  
اون بش سنه مدته کورکله قولسنه دائر ولایت  
مذکوره استیناف محکمه سی جزا دائره سندن ۴۷۰  
نومرولی اعلامک ۱۴ تموز سنه ۳۱۷ تاریخنده  
تصدیقنه

ادلبی عمر قصاب ویوزباشی اسماعیل آغانک  
ویونس بن طه نک اشیا واموالی سرقت ایللرندن  
طولانی جنایتله اتهام اولنان محمود بن ابراهیم وعیسی  
بن علی عیطه نک اوچر سنه مدتلرله کورکله قوللرینه  
واحدونک دخی برائته دائر حلب ولایتی استیناف  
محکمه سی جزا دائره سندن ویریلان ۴۶۲ نومرولی  
اعلامک ۱۸ اغستوس سنه ۳۱۷ تاریخنده تصدیقنه  
کندوسنی در دست ایتک اوزره سوق اولنان  
ژاندارمه لرندن کامله قتل قصدیه سلاح انداخت ایتک  
وشقاوته جرأت ایتک ماده لرندن طولانی جنایتله  
اتهام ایدیلان پرمدی قضاسنه تابع بناریطه قریه سندن  
شقی مقتول ندرک رفقا سندن مرتضانک سکر  
سنه مدته کورکله قولسنه دائر کوریجه سنجاغی بدایت  
محکمه سی جزا دائره سندن ویریلان ۲۴۶ نومرولی  
اعلامک ۱۸ اغستوس سنه ۳۱۷ تاریخنده تصدیقنه



قیصریه الی الف اوغلی محمد آغانک خانه سندن اشیا سرقت ایلدیکی ادعاسیله جنایتله متهم بولان اوزون نوح اوغلی قصاب عمرک آتی سنه مدته کورکه قولنسه دائر قیصریه سنجانی بدایت محکمه سی جزا دائره سندن ایکنجی دفعه اوله رق ویریلان یتش بش نومرولی اعلامک ۱۸ حزران تاریخده تصدیقه

نازلینک بازار قریه سندن قره بت ولد نظرنک دکاتی قیوسی اختار ایه آچهرق درت عدد روو لورینی سرقت ایلدیکی ادعا قلم سندن طولانی جنایتله اتهام اولان قریه مذکورده اها لیسندن طاعلی یوسف اوغلی حسین وجیل اوغلی محمد بن مصطفانک اوچر سنه مدته کورکه قولنلرینه واحد بن عثمان حین ایقاع جرمد صی بولدیغی جهته قرقچی ماده قانونیه موجبیجه کفالتیه ربطیه ولیسنه تسلیمه دائر آیدین سنجانی بدایت محکمه سی جزا دائره سندن ویریلان اوتوز نومرولی اعلامک ۷ اغستوس سنه ۳۱۷ تاریخده تصدیقه

قره ارسلان قریه سندن اوووز اوغلی ابراهیم کیفیت قتلندن دولانی جنایتله متهم بولان قریه مذکورده دن قره محمد اوغلی محمدک اون سنه مدته کورکه قولنسه دائر قره حصار صاحب سنجانی بدایت محکمه سی جزا دائره سندن ایکنجی دفعه اوله رق ویریلان ۹۹ نومرولی اعلامک ۱۷ تموز سنه ۳۱۷ تاریخده تصدیقه

کر بلا سنجانگن سلاله محله سی اها لیسندن احمدک کیفیت قتلندن طولانی جنایتله اتهام اولان سید علوان بن سید شبرک اون بش سنه مدته کورکه قولنسه دائر لواء مذکور بدایت محکمه سی جزا دائره سندن ویریلان ۲۲۵ نومرولی اعلامک ۱ تشرین اول سنه ۱۳۱۷ تاریخده تصدیقه

ویدیتی احمد اقدی اوغلی محمدک اینجو آتولی فسنی باشندن اخذ وکندوسنی تعقیب ایدن مصطفی اوغلی شوکته قتل قصديه تشهر سلاح ایتسندن طولانی جنایتله اتهام اولان سوکده مقيم کريدی رجب بن علینک اوج یحی سنه مدته کورکه قولنسه دائر آیدین سنجانی بدایت محکمه سی جزا دائره سندن ویریلان ۲۲ نومرولی اعلامک ۲۴ تموز سنه ۳۱۷ تاریخده تصدیقه محکمه تمیز جزا دائره سنجه قرار ویرلشد.

۲۸ حزران سنه ۳۱۷ تاریخیه درسعادت جنایت محکمه سندن ویریلان اعلامک صورتیدر: اوچوز اون آتی سنه سی کانون نایسنگ اون آلتنجی صالی کونی قاسم باشاده بل دکرمانده سکن نومرولی خانه ده بکچی مصطفانک تعمداً اخناق و اتلاف

ایدلسندن طولانی مظنون علیه بولان غلطه ده ساکن یکرمی ایکی باشنده تیمورچی شکری بن مصطفی و قرق سکن باشنده زنجیر اسماعیل بن احمد و قاسم باشاده مقيم یکرمی درت باشنده اسکيجی کاظم بن اسماعیل و الی بش باشنده زینب بنت مصطفانک جنایتله اتهاملرینه دائر هیئت اتهامیه دن تنظیم قتلان مضطه ایه استیناف مدعی عمومیلکنک ۱۲ مارت سنه ۳۱۷ تاریخ و ۱۱۰۴ نومرولی اتهامنامه سی اوراق متفرعه سیله برابر محکمه جنایتیه تودیع قلمغه بالمطالعه تفصیلاتی اولبايده طوبیلان ضبط نامه دن مستبان اوله جنی اوزره اصول محاکمات جزائییه قانونک باب نایسنگ فصل رابعنده محرر اولان معاملات ابتدائییه بعد الایشا اوچوز اون یدی سنه سی مارتنک اوتوز رنجی کونی مرقومون توقیفخانه دن کتوردیلرک وکیلری سفالدین و عارف وحسنی و مدعی عمومی معاولرندن عزتلو مظهر بکار حاضر اولدقلری خالده علناً محاکمه اجرا سنه بالابتدار اتهام مضطه سیله اتهامنامه ضبط کاتبلرندن جمال بکه اوقوتدیرلدی

ذکر اولان مضطه ده مظنون شکری و اسماعیل وزینب و کاظمک بالاتفاق مصطفای دسیه ایه جاب ایدوب خانه دروننده تعمداً اخناق و اتلاف ایلدیکی حقیقده طایعاً و قوعبولان اقرارلری و علی الدرجات واقع اولان اخبارات و معاینه راپوری ضبط ور قه سی مندرجاتی و دلائل و امارات سائر اتهاملرینه کافی کورلش و حرکتلری قانون جزانک یوز یتشنجی ماده سی حکمنی مستلزم افعال جنایتدن بولنش اولد یغندن جنایتله اتهاملرینه قرار ویرلیدی محرر و اتها منامه ده دخی مرقومونک اولوجهله متهم بولندقلری مسطر در

اتهامنامه خلاصه سنک طرف ریاستدن متهمله تفهیم و توضیح و معاون مومی الیه جانبندن دخی مابه الاتهاملری اولان احوالک تشریح اولنسی معقب مرقومون یکان یکان سولتدیرلکده بولندن شکری وقعه کیجه سی بدری مصطفی سرخوش اوله رق خانه سنه بالورود بیچاق چکوب اوزرینه هجوم ایتدیکندن مرقومی اوراده بولان ایله بوغدیغی و اسماعیل دخی وقعه کیجه سی برادری مصطفی خانه سنه کلوب نماز قیلدیغی و دعاصره سنده ایکن شکری مرقومک بوغازینه براب طاقوب بوغغه اوغراشدیغی و هر تقدیر مرقومه نصیحت ایتش ایسه ده حواله سمع اعتبار ایتدیکندن وکندوسنی دخی تهدید ایتدیکندن بالجوریه مرقومه اشتراکه مصطفای بوغدقلری ولدی الاستیضاح مر قوم شکری اشبو اخناق کیفیتیه مقدسجه تصور ایتد کلزندن اتای اخناقده مشکلاته تصادف اولندیغی تقدیرده کیفیت اخناقک تسهیل حصولی ضمنده بو

بابده دعوت اولان کاظم بوقاروده کی اوطه یه اختفا ایتش و پارولاری موجبیجه عرب دیو اوج دفعه جاضر ایلدیغده مرقوم مشکلاک و قوعنه اطلاع حاصل ایدوب هان کلهجکی جهته سالف البیان اییک طافدیغی حکامده بر آرائق قارشیدیندن شکری طرفندن بوضرده عرب دیو ندا اولندقدده کاظمک هان کلهرک ای طافدیغی و کندوسیه شکری اییک اوچلرندن چکدرک اخناق ایلدیگرینی و فقط زینک اوراده بولندیغی تخطر ایدمه ماکده ایدوکنی وزینب دخی وقعه اتناسنده خانه نک دیگر قسمنده کی اوطه سنده اوتورمقدده ایدو کندن وقعه نک صورت و قوعنی آکلایه میوب فرداسی متوفانک البسه سی کورمسیله وقعه یی شکریدن بالسؤال آکلا دیغی بیان و کاظم دخی وقعه کیجه سی خانه نک بوقارو قاتنده کی اوطه سنده اوتورمقدده ایکن برکورتلی اولدیغندن آشانی اینوب باقدیغنده مصطفانک اخناق ایدلش اولدیغی کوردیکی و شکری طر فندن تهدید اوله رق بالاخره ایشک شیوعنده کندو سنک علیهنده اسنادانده بولنه جغنی سولدیکنندن کیسه سیه بوباده برکونه بیاناتانده بولندیغی افاده و درمیان ایلدیلر

متهمون مرقومونک بولیس و استطاق دائره لرندکی افادات مضبوطه لری و ضابطه عدلیه تقریری وضبط ورقه سی وراپور دخی اوقوتدیرلقدده افادات مضبوطه ده شکرینک وقعه دن اول برکون عموجه سی اسماعیل کندوسنه خطاباً : (بدرک مصطفانک سکاخیری یوقدر قان والده سی زینب ایه تزوج ایتدیکی خالده بدری مصطفانک باره وسائر متروکاتی قاوروصکره دن تملکته کیدیلور) دیهرک اقاع ایتش اولغله وقعه کونی کندوسی و عموجه سی اسماعیل و قان والده سی زینب و مزبورنک اوغل کاظم بالاتفاق مصطفانک بونیه ایپ طافه رق اخناق ایلدیگرینی و حتی اییک ایکنکی بدری مصطفانک بونیه زینب طافدیغی و جسدینی چواله قویوب جواروده کی قبرستانه کتور دکلرینی و اوزرندن چیقان درت مجیدیدن اوچنی کندوسی آلوب قصوری آنلرده قالدیغی و اسماعیلک دخی مرقوم شکرینک حکایه سی وجهله برادری مصطفای خانه یه دعوت ایدرک دردی برلکده اخناق ایلدیگرینی اقرار و کاظمکده وقعه کیجه سی مذکور اخناق و قوعبولان خانه ده موجود بولنش و شکری و اسماعیلک مصطفای بوغدقلری صروده کورمش ایسه ده کندوسنک اشتراکی اولدیغی و مصطفاده چیقان درت مجیدیه و بر غروش و اون پاره آچقینی شکرینک آلدیغی و بومسئله یی خبر ویردیکی صورنده سنیده اولدوریرز دیدکلرندن خبر ویرمدیکی وزینبک دخی برکیجه مصطفانک خانه سنه کلدیکی و اخناق ایلدیکی

بوقاروده بولندیغی جهته کورمدیکی تذکار ایلدیگری آکلا شمعله اشبو قرائت اولان افادات مضبوطه لرینه نه دیه جکلری صورلدقدده کاظم دن ماعداسی طایعاً قبول و مندرجاتی تصدیق ایلدیلر کاظم مکرراً انطاق ایدلکده مأمورین ضابطه کندوسنی تضییق ایتدیکلرندن وقعه حقدده برکونه مشهوداتی اولدیغی خالده بالجوریه او بولده بیاناتانده بولندیغی و فقط تضییق اثبات ایدمه جکی سرد ایلدی

ضابطه عدلیه تقریرنده اوچوز اون اتی سنه سی کانون نایسنگ اون التنجی صالی کونی قاسم باشاده بدر الدین محله سنده ششخانه قره غولنک آرقه جهتنده قیستان دروننده لغوسه تره سنک دیواری باندده مخوقاً بر ششخصک چوال دروننده بولندیغی محله بکجیسی ولی طرفندن کوریلرک مخوقک کمر آتی بکجیسی حافظ مصطفی اولدیغی و وقعه دن برکون اول برادری اسماعیل و اوغلی شکری نزدیکه کلوب قوتو شدقلری و برلکده قاقوب کتدیگری تحقیق اوله رق شکری و اسماعیل دردت و استجواب اولندقلرندده وقعه دن عدم معلومات بیان ایتلری اوزرینه اسماعیلک آیغندکی بطورک آرقه جهتنده قان لکسی و اوزرندده ظهور ایدن انچه اییک بعض محللرندده قرمزلیق مشاهده قلمش و بالاخره واقع اولان افاده لرندن شکری و اسماعیل و کاظم و زینبک مشترکاً مصطفای اخناق ایتش اولدقلرینک مستبان اولش اولدیغی وضبط ورقه سنده شکرینک خانه سی لدی التجری قیونک ایچ طرفنده صاغ جناحه تصادف ایدن خلایه متصل دولابک اوستنده صاریجه رنکده طوبراغه بولاشمش بر چوال و دولابک قیانی اوکنه تصادف ایدن دوشمه تحتیسی اوزرندده بر آووج مقداری انچه ایتش صاری طوبراق بولنش و دولاب دروننده بر یحی آرشون طولنده براب کورلش و مخوقک صاج و قولقلری ایچنده کوریلان طوبراغه مذکور طوبراغنک رنک و ایجه لکجه مشابهتی بولنش اولدیغی و مخوقک آباقلرندده کوریلان ایپ اثرلرینه دولایده بولسان اییک لدی المعاینه تطابق ایلدیکی و صالحک زوجه سی فاطمه نام دیگر عایشه نک خانه سنک تحریسنده مزبورنک اوطه سنک اوت مندری آلتنده سریلی اوله رق مقتول مصطفانک دائماً اکتسا ایتدیکی سیاه توبلی و بوز رنک قوجق و بر جفت بوط و قالوش و بل شالی و چوقه صالطه ایه بر خنجر ظهور ایتدیکی و اشیا ی مذکورده زینب طرفندن صاقلاتق اوزره خانه سنه کتورلیدیکنک فاطمه طرفندن افاده قلدیغی و شکرینک خانه سنده محل جرم اولان اوطه نک دوشمه تحتیسی اوزرینه مفروش ایکی پارچه یلیکن بزی و آلتیه تصادف ایدن دوشمه تحته سننده دم علائمی

کورلیدیکی و باغچه ده دلی طوبراق و یچاواره ظهور ایتدیکی وراپورده دخی مصطفانک باشک شعری ایه صقالی وصول قولاغی صیوانی داخلی اوزرندده صاری رنکده طوبراق کورلش و عنقنک صاغ جهتی اوزرندده انچه جبل ایه حصوله کلش بش سائمترو طولنده بر عدد بره ایه ایکی عدد صغیر تلم و خنجره سی اوزرندده کذا صغیر بره ایه ایکی عدد تلم وصول جهتی و ظهری اوزرندده بر عدد کبیر بره ایه تلم مشاهده اولتوب ذکر اولسان حبلک عنقنک اطرافنی حفظ ایتش اولمسله انقطاع تنفسی اخافدن وفات ایتش وبعد الوفات ساقینی بر جبل ایه باغلا تمش و صاغ ساقنک وجه قدیمی خارجیسی اوزرندده وصول ساقنک کذا وجه قدیمی خارجیسی وجهت نلک اسفلرلی اوزرندده منجرفاً ایکی عدد تلم کورلش ایدوکی خصوصارینک ازار قلدیغی منغم اولدی

اشبو قرائت اولان اوراق اوزرینه بولندن شکری بدری متوفی مصطفی ایه خانه مسئله سندن طولانی منازعه علی ایسه ده اوج ماه مقدم بارشدقلرینی و بدری مقتول مصطفانک اوتیه برویه آچقه اقراض ایتدیکی وزینبک بوغچینی فاطمه نک خانه سنه کتور دیکندن معلوماتی اولدیغی و اسماعیل برادری مصطفانک قتل وقعه سنده شکرینک قائم والده سی زینبک اشتراکی حقدده بر افاده ده بولندیغی و قان لکلری شکری طرفندن سیلمش ایدوکی بیان وزینب فاطمه نک افاده سی قبول ایتیه جکی و مزبوره یه بوغچیه ویرمدیکی و کندوسی مزبورنک خانه سنه کتیب مزبوره کندوسنک خانه سنه کلهرک کندی جامه شوبلرینی آلدیغی اتیان و کاظم دخی بولیس دائره سنده اولیه بر اقرارده بولنیوب بولیس لرک یازدقلری برشیده یارمق باصمش ایسه ده نه یازدقلرندن معلوماتی اولدیغی درمیان ایتدیلر

ضبط ورقه سننده مندرج اولوب دائره امانتدن کتوردلش اولان اشیا متهمله ارانه قلدقدده بولندن شکری و اسماعیل پوسته کی و لیکن بزلی اوزرندده مصطفای اخناق ایتدیگرینی و تنکه دروننده کی طو پراغی تحتیه دیوکلان قانلرک اوزرینه دوکرک قورودلش و بعدده سیلمش اولدیغی و مصطفای ارانه اولسان صاج اورکیسی واری ایپ ایه بوغدقلری اییک انچه ایدوکی و مذکور اییک مصطفای چوال دروننه قویدقلری صروده آیاقلری باغلا دقلری ایپ اولدیغی و چوالک دخی متوفای قبرستانه نقل ایتدیگری چوال اوله جغنی وزینب جامه شوبلری طانیدیغی و تنکه صجان و پوسته کینک کندوسنک و صاری طوبراغنک کریمه سنک لغوسه لغنده وضع جلی اینچون لغوسیه تره سندن آلدیغی طوبراق ایدوکی و کاظم دخی

اشیا ی مذکورده دن و قتالین معلوماتی بولندیغی افاده ایتدیلر (مابعدی کله جک نسخه یه)

اوچوز اون آتی سنه سی مایسنگ طقوزنجی چهارشنبه کیجه سی بک اوغلنده جاده کیرده مستاجر بولندقلری شکرله یی دکاننده کی اشیا ی سیغورطه یه وضع ایدهرک سیغورطه دن استفاده املیه قصداً مذکور دکاتی احراق ایلدیگری ادعاسیه متهم بولان لونی و دیمستوقلیک اجرا قتلان محاکمه لری نتیجه سنده اولوجهله حریق قلمه اجتسارلری شاهدلرک علی الدرجات واقع اولان شهاداتی و متهملرک روش افاداتی و عندالحاکمه حاصل اولان دلائل و امارات ایه تبین ایتدیکندن مجرمتلرینه و قانون جزانک یوز آلتش اوچنی ماده سنک رنجی فقره سنه توفیقاً مؤبداً کورکه قولنلرینه محکمه جانیجه قرار ویرلشده

## مخالفات ایتیلدی

نازلی قضاسی بدایت محکمه سی مستطقی احمد و معاوی محمد عاصم اقدیلرک جرائم متوعه ایه مظنون اولان اشخاص حقدده کی دلائلک محکمه صفتده تقدیری صورتیه و طیفه مأموریتلرینی سوء استعمال ایلدیگری آکلا شمعسنه مبنی محاکمه آلتیه اثرلرینه مأذونیت ویرلشدر

## اعلانات

اینگلی حکم نمارسنه :

اسکدارده قره غولخانه قارشوشنده اقامته قیستلیده بقالاق اینکده ایکن ایکنجی محکمه تجارتدن افلاسنه حکم اولنش اولان بقال واسیلک خصوصات افلاسیه سنک رؤیت و تسویه سی ضمنده بدوساکی کیریا کیدی اقدی اصالة سنیدک تعیین قلمش اولد یغندن مفلس مرقوم ذمتنده آلا جغی اولانلرک قانوننامه تجارتنک ۱۹۹ و ۲۰۰ نجی ماده لری موجبیجه تحقیق دیون اینچون تاریخ اعلاندن اعتباراً یکرمی بر کون ظرفنده سنداتی محکمه کاتبه تسلیم ایللری و مدت مذکورده ختامندن صکره اوج کونده یعنی بیک اوج یوز اون یدی سنه سی کانون اولنک انتجی بازار ایرتسی، اونبرنجی صالی و اون ایکنجی چهارشنبه کونلرندده ایکنجی محکمه تجارتنک افلاس اوطه سنه کلهرک سنیدک اقدی مواجهه سنده آلا جغلرینی اثبات و قید و تصدیق ایتدیملری و مدت مذکورده اثبات وجود ایده میان



الاجلولة حقنہ قانون مذکورک ۲۱۰ نجی مادہ سنہ  
توفیقاً معاملہ اولنہ جنی اعلان اولنور .

فی ۲۰ تشرین ثانی سنہ ۳۱۷

غلطہ ده پنجنہ بازارندہ ساکن قاریولاجی ایلیا  
ووردینک ۳۱ تشرین ثانی سنہ ۳۱۷ تاریخندن  
اعتباراً افلاسنہ و معاملات افلاسیہ نک ایفاسی ضمتندہ  
اعضای محکمہ دن سعادتو رضا بکک ژوژ قومیسر  
ودعوی وکیلرندن سلیم حسنی افندی ایله قدری  
بکک موقت سندیک تعیینہ ومفلسک تجارتکاهنک  
تمہیریلہ کنندی وفاملیاسنہ الزم قسمنک تفریقندن  
صکرہ متباقی اشیای بیتہ سنک ثبت دفتر ایدیلہ رک  
محافظہ سنہ واشبو قرارک موقتاً اجراسنہ درسعات  
ایکنجی تجارت محکمہ سندن قرار ویرلدیکی جہتلہ  
قانوننامہ تجارتک ۱۷۰ نجی مادہ سی موجبہ مفلس  
مرقوم ذمتندہ آلہ جنی اولنلرک موقت سندیکلرک  
اصالتہ تحویلی ویاخود یکیدن سندیک انتخاب وتعیینی  
حقنہ مومی ایله ژوژ قومیسر بک ایله استشارہ  
اولنق اوزرہ اشبو ۱۳۱۷ سنہ سی کانون اولنک  
آلتنجی پنجنہ کونی ساعت یدیدہ ایکنجی تجارت  
محکمہ سنک افلاس اوطہ سنہ کلری اعلان اولنور .

فی ۲۴ تشرین ثانی سنہ ۳۱۷

### تجارت بحریہ محکمہ سنہ :

استانبولده سلطان حمامندہ چاچوپلو خانندہ  
تجارتلہ مشغول ایکن محکمہ تجارت بحریہ جہ افلاسنہ  
قرار وتحقیق دیون معاملہ سنہ ختام ویریلان  
حسینجیان قومانیہ سی ذمتندہ آلاجنی اثبات ویا  
موقتاً قبول وقید ایشدیرمش اولان آلاجلیلرک  
قانوننامہ تجارتک ایکویوز اون برنجی و آنی ولی ایدن  
مادہ سی موجبہ مفلس مرقوم طرفندن تکلیف  
اولنہ جق قوقورداتونک مذاکرہ سیچون اشبو ۳۱۷  
سنہ سی کانون اولنک ۳ نجی بازار ایرتسی کونی ساعت  
یدی بحق رادہ لرنده محکمہ تجارت بحریہ نک مصالح  
افلاسیہ یه مخصوص اوطہ سنہ کلری لزومی اعلان اولنور .  
فی ۲۱ تشرین ثانی سنہ ۳۱۷ ژوژ قومیسر  
مہرالدین

غلطہ ده سلانیک خانندہ ۱۱ و ۱۷ نومرولی  
اوطہ لرنده اجرای تجارتلہ مشغول ایکن افلاسنہ قرار  
ویریلن چوقہ جی استریوو اقالوپولو ذمتندہ آلہ جنی  
اثبات ویا موقتاً قبول وقید ایشدیرمش اولان  
آلاجلیلرک قانوننامہ تجارتک ایکویوز اون برنجی و آنی  
ولی ایدن مادہ سی موجبہ مفلس مرقوم طرفندن  
تکلیف اولنہ جق قوقورداتونک مذاکرہ سیچون  
اشبو تشرین ثانی کیکرمی دردنجی جمعہ ایرتسی

کونی ساعت یدی رادہ لرنده محکمہ تجارت بحریہ نک  
افلاسنہ مخصوص اوطہ یه کلری اعلان اولنور .

فی ۲۴ تشرین ثانی سنہ ۳۱۷

بک اوغلندہ پراپالاس اوتلی قارشوسندہ مغازدہ  
اجرای تجارت ایدن آنتیقہ جی موئیز غارسون  
واولادی شرکتک ۲۲ تشرین ثانی ۳۱۷ تاریخندن  
اعتباراً اعلان افلاسنہ ومصالح افلاسیہ نک رؤیت  
وتسویہ سی ضمتندہ اعضا ملازمی عزتلو صبری بکک  
ژوژ قومیسر ودعوی وکیلرندن اوخانس باراویان  
افندی موقت سندیک تعیینلرینہ ومغازہ لریلہ اشیای  
زائدہ بیتہ لریلک تمہیرینہ واوراق دفاترینک جانبہ  
وکفالت ارادہ مدکری تقدیردہ حبس وتوقیفلرینہ  
وبوبادہ کی قرارک موقتاً اجراسنہ محکمہ تجارت  
بحریہ جہ قرار ویرلش اولدیغندن قانوننامہ تجارتک  
۱۷۰ نجی مادہ سی موجبہ دائمی سندیکلر انتخاب  
اولنق اوزرہ اشبو کانون اولک التنجی پنجنہ کونی  
ساعت یدی رادہ لرنده اصحاب مطلوبک محکمہ مذکوہ  
رہ نک افلاسنہ مخصوص اولان اوطہ سنہ کلری لزومی  
اعلان اولنور . فی ۲۴ تشرین ثانی سنہ ۳۱۷

### اعلامات نظامیہ اجرا دائرہ سنہ :

کوستک کموش ظرف مارپوچ کهربارلی عتیق سکہ

| عدد | عدد | عدد | عدد |
|-----|-----|-----|-----|
| ۱   | ۶   | ۲   | ۱   |

آریستیدی افندی کیکلف مونا ورثہ سی ذمتندہ  
محکوم بہ آلاجنی اولان مبالغک تأمین استیفاسیچون  
ورثہ نک مالی اولوب حجز آلتہ آلدیریلان بالادہ  
نوعری محرر درت قلم اشیانک فروختی قرارلشدیرلش  
اولدیغندن تاریخ اعلاندن اوچ کون صکرہ یعنی شہر  
جاری رومینک یکرمی دردنجی جمعہ ایرتسی کونی  
ساعت سکزدہ بدستان داخلندہ بالمزایدہ فروخت  
اولہ جغندن طالب اولنلرک یوم مذکورده حاضر  
بولنلری درسعات اعلامات نظامیہ اجرا دائرہ سندن  
اعلان اولنور . فی ۲۰ تشرین ثانی سنہ ۳۱۷

اوقاف هایون نظارت جلیلہ سنک درسعات بدایت  
محکمہ سی ایکنجی حقوق دائرہ سندن استحصال ایلدیکی  
برقطہ اعلام موجبہ جہت کفالتدن متوفی حاجی  
احمد افندی ذمتندہ آلاجنی اولان مبالغ معلومہ نک  
تأمین استیفاسیچون مدیون متوفانک عہدہ تصرفندہ  
اولوب ورثہ سنہ انتقال ایدن باب عالی جادہ سندنہ  
خواجہ پاشادہ کائن بر نومرولی ، شہری ایکی لیرا  
ایجار کتوریر بر باب بقال دکانی ایله مذکور دکانہ متصل  
وشہری اون سکز مجیدہ ایجار کتوریر یکرمی طقوز  
نومرولی قصاب وسبزہ جی دکانک طقوزر حصہ  
اعتباریلہ مدیون متوفانک ورثہ سنہ انتقال ایدن بر

حصہ دن بش حصہ کہ ہر ایک دکاندہ مجموع اون حصہ نک  
تاریخ اعلاندن اعتباراً اون بش کون صکرہ بالمزایدہ  
فروختہ تشبث اولنہ جنی درسعات اعلامات نظامیہ  
اجرا دائرہ سندن اعلان اولنور .

فی ۲۲ تشرین ثانی سنہ ۳۱۷

سماحتلو حاجی محمدنوری افندی حضر تلرینک متوفی  
داویداوغلی آپیک ذمتندہ قسمت عسکر یه محکمہ سندن اعطا  
قلمش اولان مقتضا اعلامی موجبہ آلاجنی اولان مبالغ  
معلومہ نک تأمین استیفاسی ضمتندہ مرہون وفروختی  
محکوم بولنان بیک قریہ سندنہ بیک جادہ سندنہ واقع یوز قرق  
سکز ویوز الی نومرولر ایله مرقم مع اوطہ بر باب  
دکان دروندہ موجود توتونجی کدکی تعبیر اولنور  
ملک آلات لازمہ معلومہ نک اشبو تاریخ اعلاندن  
اعتباراً اون بش کون صکرہ فروختہ تشبث اولنہ .  
جغندن طالب اولانلرک پی سورمک وبوندن دہا  
زیادہ معلومات آلق ایستیانلرک مدت مذکورہ ختاہ  
مندن صکرہ اعلامات شرعیہ اجرا دائرہ سنہ مراجعت  
ایلری اعلان اولنور . فی ۱ تشرین ثانی سنہ ۳۱۷

متوفاة فاطمة الزهراء خانم ورثہ سنک مصطفی اغا

ذمتندہ اسکدار محکمہ شرعیہ سندن ویریلان ۱۵  
ربیع الاول سنہ ۳۱۵ تاریخی برقطہ مقتضا اعلامی  
موجبہ آلاجلری اولان مبالغ معلومہ نک تأمین  
استیفاسی ضمتندہ مرہون بولنان اسکداردہ سلمان  
محلہ سندنہ کائن اوتوز یدی نومرولی بر باب ملک منزل  
ایله آلتندہ بولنان اوتوز بر نومرولی مرانغوز و اوتوز  
اوچ نومرولی مع اوطہ ملک حلاج دکانلریلہ اوتوز  
آلتی نومرولی بر باب ملک آخورک اوتوز آلتی سہم  
اعتباریلہ اوتوز سہمنک اشبو تاریخ اعلاندن اعتباراً  
اون بش کون صکرہ بالمزایدہ فروختہ تشبث اولنہ .  
جغندن طالب اولانلرک پی سورمک و دہا زیادہ  
معلومات آلق ایستیانلرک مدت مذکورہ ختامندن  
صکرہ درسعات اعلامات شرعیہ اجرا دائرہ سنہ  
مراجعت ایلری اعلان اولنور .

فی ۳ تشرین ثانی سنہ ۳۱۷

بک اوغلی بدایت محکمہ سی اجرا دائرہ سنہ :

ایساقک یاقو ذمتندہ با اعلام محکوم بہ آلاجنی  
اولان معلوم المقدار مبالغک تأمین استیفاسی ضمتندہ  
خاصکویدہ شعبان محلہ سندنہ صولاق چشمہ سی زقاغندہ  
آلتی نومرولی بر باب خانہ حجز آلتہ آلتش اولمغلہ  
تاریخ اعلاندن اعتباراً اون بش کون صکرہ بالمزایدہ  
فروخت اولنہ جنی بک اوغلی بدایت محکمہ سی اجرا  
دائرہ سندن اعلان اولنور .

فی ۲۱ تشرین ثانی سنہ ۳۱۷